

禪月集

七

			三	漢
		一	四	書
	三	二	二	門
八	三	二	二	
冊	架	函	號	類

三	三	漢
二	四	書
函	二	
一	二	
九	八	
架	冊	號
		類

內閣文庫	
番號	漢 3422
冊數	8(7)
函號	312 211



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



淺草文庫

禪月集卷十九

七言律詩二十二首 七言絕句詩八首

蜀王入大慈寺聽講天復三年作

玉節金珂響似雷 水晶宮殿步徘徊 祗緣支遁談

經妙所以許詢都講來 帝釋鏡中遙仰止善法堂前有七

寶鏡照魔軍 殿上動崔巍 千重香擁龍鱗立 五種

風生錦繡開上界天王欲下遊行時先有三種風

吹去菱花生一開其樓臺殿閣二香氣芬馥三寬似大溟生 日月秀如四岳出 塵埃一

條紫氣隨高步九色仙花落古臺謝太傅須同八
凱姚梁公可並三台登樓喜色禾將熟望國誠明
首不迴駕馭英雄如赤子雌黃賢哲貢瓊瑰六條
消息心常苦一劍晶熒敵盡摧木鐸聲中天降福
景星光裏地無災百千民擁聽經座始見重天社
稷才

蜀王登福感寺塔三首

天資忠孝佐金輪香火空王有宿因此世喜登金

骨塔前生應是育王身佛記育王造四萬八千塔封疆歲暮笙
歌合襦袴正幼錦繡新釋子沾恩無以報祗擎章
句貢平津

又

似聖悲增道不窮憂民憂國契堯聰兩髯有雪丹
霄外萬里無塵一望中南照微明連莽蒼峨嵋擁
秀接崆峒林僧歲月知何幸還似支公見謝公

又

步步層層孰可陪，相輪邊日照三台。喜歡烝庶皆相逐，惆悵蠻興尚未迴。金鐸撼風天樂近，仙花含露瑞烟開。一年一度常如此，願見文翁百度來。

少監三首

器琢仙珪美有餘，席珍國寶比難如。銜花乳燕看調瑟，衣錦佳人侍讀書。荀氏門風龍變化，謝家庭樹玉扶疎。卽期寰宇隆平日，歸佐吾皇侍玉墀。

又

益友相隨益自強，趨庭問禮日昭彰。袍新官錦千人目，馬駿桃花一巷香。偏愛曾顏終不及，或如韓白亦無妨。八龍三虎森如也，萬古千秋瑞聖唐。

又

具體而微太少年，鳳毛五色帶非烟。倚天長劔看無敵，遶樹號猿已應絃。接士開襟清聖熟，分題得句落花前。卽應出將傳家法，聖澤恩波浩浩然。

再到鍾陵作

六七年來到豫章舊遊知己半凋傷春風還有花
千樹往事都如夢一場無限丘墟侵郭路幾多臺
榭浸湖光祇應唯有西山色依舊崔巍上寺牆

經弟妹墳

淚不曾垂此日垂山前弟妹塚離離年長於吾未
得力家貧拋爾去多時鴻衝霜中斷蕙羅黃
蒿塚上哀恩愛苦情拋未得不堪回首步遲遲

到蜀與鄭中丞相遇

深隱猶爲未死灰速尋知己遇三台如何麋鹿群
中出又見鷓鴣天上來劔閣霞粘殘雪在錦江香
甚百花開謾期王謝來相訪不是支公出世才

別馮使君

瓦礫文章豈有媒兩三年祇在金臺本帥頭白須
歸去太守門清願再來皓皓玉霜孤鴈遠蕭蕭松
島片帆開從茲林下終無事唯抵焚香祝上台
上新定宋使君

禪坐吟行誰與同，杉松共在寂寥中。碧雲詩裏終
 難到，白藕花經講始終。水疊山層擎草疏，枯清月
 苦立霜風。十年勤苦今酬了，得句桐江識謝公。
 和李判官見新榜為兄下第
 失意荆枝滴淚頻，陟岡何翅不知春。心中岐路平
 如砥，天上文章妙入神。休說宋風迴鷓首，即看雷
 火燎龍鱗。從茲相次紅霞裏，留取方書與世人。

送羅鄴赴許昌辟

方得論心又別離，黯然江上步遲遲。不堪迴首崎
 嶇路，正是寒風敝錯時。美似郝超終有日，去依劉
 表更何疑。前程不少南飛鴈，聊寄新詩慰所思。

附韋相公莊寄禪月大師

新春新霽好晴和，閒闊吾師鄙吝多。不是為窮
 常見隔，祇應嫌醉不相過。雲離谷口俱無著，日
 到天心各幾何。萬事不如棋一局，雨堂閑夜許
 來麼。

酬韋相公見寄

鹽梅金鼎美調和詩寄空林問訊多
秦客奔碁拋已久楞嚴禪髓更無過
萬般如幻希先覺一丈臨山且奈何
日到天心乃相公之日老僧且去山乃一丈半空飄平津好珠玉不知更得及門麼

附張相公格寄禪月大師

龍華咫尺斷來音日夕空馳詠德心
禪月字清師號別壽春詩古帝思深
畫成羅漢驚三界書

似張顛值萬金莫倚名高忘故舊
晚晴閑步一相尋

酬張相公見寄

周郎懷抱好知音常愛山僧物外心
閉戶不知芳草歇無能唯擬住山深
感通未合三生石騷雅歡擎九轉金
但似前朝蕭做與蔣紳老僧風雪亦相尋

附王相公錯贈禪月大師

常愛吾師性自然
天心明月水中蓮
神通力遍恒沙外
詩句名高聚米前
尋訪不聞朝振錫
修行唯說夜安禪
太平時節俱無事
莫惜時來話草玄

酬王相公見贈

孤拙將來豈偶然
不能為漏滴青蓮
一從麟筆題牆後
常抵冥心古像前
九德陶鎔空有跡
六窗清淨始通禪
今朝幸捧瓊瑤贈
始見玄中更有玄

附集賢周相公庠寄禪月大師

昨日塵遊到幾家
就中偏有近宜麻
水田鋪座時移画
金地譚空說盡沙
傍竹欲添犀浦石
栽松更碾味江茶
有時拾得休公卷
倚柱閑吟見落霞

酬周相公見贈

三界無家是出家
豈宜拊鳳觀新麻
幸生白髮逢金聖
曾夢青蓮映玉沙
境陟名山烹錦水
睡忘東

白瀾平茶喜擎繡段攀金鼎謝眺餘霞始是霞

七言絕句

道情偈三首

崆峒老人專一一黃椽真叟却無無獨坐松根石
頭上四溟無限月輪孤

又

非色非空非不空空真色不玲瓏可伶盧大擔
柴者拾得驪珠素簫中

又

優鉢羅花萬劫春頻犁田地絕纖塵道吾道者相
招好不是香林採葉人

馬上作

柳岬花堤夕照紅風清襟袖繡瓏瓏行人莫訝頻
迴首家在凝嵐一點中

道中逢乞食老僧

赤椽欄笠眉毫垂拄柳栗杖行遲遲時人祇施盂

中飯心似白蓮那得知

秋末寄武昌一公

見說武昌江上住
相枯槐朽戰時風
知師詩癖難醫也
霜灑蘆花明月中

陋巷

墜葉如花欲滿溝
破籬荒井一蟬幽
亦知希驥無希者
作麼令人強轉頭

終南僧

聲利掀天竟不聞
草衣木食度朝昏
遙思山雪深一丈
時有仙人來打門

禪月集卷十九

終

漢書

禪月集卷二十

七言律詩二十二首

七言絕句詩七首

一 大蜀皇帝潛龍日述聖德詩五首

嶽瀆殊祥日月精入堯金鏡佐休明衣嚴黼黻皇
恩重劔折芙蓉紫氣橫玉甃金湯山岳峻花藏臺
榭管絃清已聞圖上凌烟閣寵渥穹窿玉不名

又

扶持社稷似齊桓百萬雄師貴可觀神智發中真

莫測貢輸天下學應難風清輦角
龍草木寒堪羨蜀民恒有福太平時節一般般

又

珠履三千侍玉除宮花飄錦早鸞初雖然周孔心
相似其奈龔黃政不如浩浩歌謠聞禁掖重重襦
袴溼樵漁若論朝野艱難日第一之功美有餘

又

紫髯青眼代天才轍白孫吳稍可陪祇見赤心堯

日下豈知真氣梵天來聽經瑞雪時時落登塔天
花步步開盡祝莊椿同壽考人間歲月豈能催

又

丈夫勛業正乾坤麟鳳龜龍盡在門西伯最憐耕
讓畔曹參空愛酒盈樽心慈為受金僊囑髮白緣
酬玉砌恩從此于門轉高大可伶子子與孫孫
陳情獻蜀皇帝

河北江東處處災唯聞全蜀勿塵埃一餅一鉢垂

垂老萬水千山得得來
柰苑幽栖多勝景
巴飲陳
貢媿非才自慙林藪
龍鍾者亦得親登郭
隗臺

壽春節進大蜀皇帝五首

上玄大帝降坤維
箕尾為臣副聖期
豈比赤光盈
室且全同白象
下天時
文經武緯包三古
日角龍
顏過四夷今日降
神天上會願將天
福比須彌

又

異香滴露降紛紛
紫電環樞照禁門
先冠百王臨

億兆後稱平號震
乾坤義軒之道
大為道草木沾
恩始是恩今以諛
才歌睿德猶如飲
海妙難論

又

茂祉遐宣勝事并
薰風微久舜絃清
四洲不必歸
王化一統那能計
聖情合合鼓鐘膏
雨滴我我官
闕瑞烟橫西逾昆
岳東連海誰不檄
山賀聖明

又

遠人玉帛盡來歸
及物天慈物物肥
春力遍時皆

甲拆王言聞者盡光輝家家錦繡香醪熟處處笙
歌乳燕飛爲報蜀皇勤禱祝聖明天子古今稀

又

積劫脩來似煉金爲皇爲帝萬靈欽能當濁世爲
清世始見君心是佛心九野黎民耕浩浩百蠻朝
騎日駸駸今朝獻壽將何比願似莊椿一萬尋

對雪寄新定馮使君二首

仙掌空思歸未能焚香冥目對殘燈盞知瑞雪千

山合空覺春寒半夜增翳月素雲埋粉堞堆巢孤
鶴下金繩因思太守憂民切吟對瓊枝喜不勝

又

政化由來通上靈豐年祥瑞滿窗明氣嚴坐久燈
凝燄片大更深屋作聲飄掩烟霞何處去欹斜杉
竹向簾傾雪林中客雖無事還有新詩半夜成

送劉相公朝覲二首

九苞仙瑞躍垂衣一品高標百辟師魏相十思常

自切曹溪一句幾生知公深人禪理久交玉帳雖難別
 須佐金輪去已遲唯杜荊州最惆悵柳門迴首落花時

又

急徵祇是再登庸生意人心萬國同變理久徵殷
 傳說譚真欲過李玄通程穿峴首春光老馬速商
 於曙色紅從此龍顏又應瘦寰瀛俱荷代天功

避寇遊成福山院

成福僧留不擬歸獼猴菌嫩豆苗肥那堪蠶月偏
 多雨況復衢城未解圍時孫端國逼衢城數月翠擁檜籬泉
 亂入雲開花島雉雙飛堪嗟大士悠悠者祇向詩
 中話息機

別李常侍

楚水和烟海浪通又擎杯錫去山東道情雖擬攀
 孤鶴詩業那堪至遠公夢入深雲看雨滴吟搜殘
 雪石林空朱門再到知何日一片征帆萬里風

送鄭閣赴閩

便便書腹德無鄰
健筆從知又入閩
鸚鵡才須歸
紫禁真珠履不稱
清貧武夷山夾仙
霞薄螺女潭
通海樹春從此應
多好消息莫忘江
上一閑人

寄信州張使君

水壇榿殿地含烟
領鶴行吟積翠間
數閣涼颺終
日去滿懷明月上
方還時來自
有鷓鴣識道在
從
如草木間
唯羨靈溪賢太守
一麾清坐似深山

春末寄周璉

暮角含風雨氣曛
寂寥莓翠上衣巾
道情不向鸞
花薄詩意自如天
地春夢入亂峰
仍履雪吟看芳
草祗思入手中
孤桂月中在來聽
泉聲莫厭頻

讀吳越春秋

猶來吳越盡須慙
背德違盟又信讒
宰嚭一言終
殺伍大夫七事祗
須三功成獻壽歌
飄雪誰愛扁
舟水似藍今日雄
圖又何在野花香
逕鳥喃喃

春遊靈泉寺

水蹴危梁翠擁沙鐘聲微逕入深花
 嘴紅澗鳥啼芳草頭白山僧自打茶
 松色摧殘遭賊火水聲幽咽落人家
 寺因泉得名自經沙因尋古跡空惆悵
 滿袖香風白日斜

七言絕句

歸東陽臨歧上社使君七首

小謝清高大謝才聖君令泰此方來一從到後常

無事鈴閣公庭滿綠苔

又

紅錦帳中歌白雪身皮几畔撫青英
 不知何物為心地賽却澄江澈底清

又

誰報田中有黑蟲一家齋戒減仙容
 分憂若也皆如此天下家家有剩春

又

憂民心切出衝炎禾稼如雲喜氣兼林下閑人亦
何幸也隨旌旆到銀尖銀尖去郭二十里

又

方恐獄中桃樹出忽聞枯木却生烟時有枯木再生禱祥
為郡曾如此却恐當時是偶然

又

枯骨縱橫遍水湄盡收為塚碧參差分明為報精
靈輩好送旌旆到鳳池

又

捨魯依劉一片雲好風吹去速纖塵猶期明月清
風夜來作西園第八人

禪月集卷二十終

海虞毛晉訂

禪月集卷二十一

七言律詩一十七首 七言絕句詩十首

春

自來自去動洪鑪無象無私無處無迴鴈不多消
氣力染花應最費工夫溟濛偏恨豪家惜濃暖深
為政筆駢莫訝相逢只添睡伊余心不在榮枯
聞迎真身

四海無波八表臣恭聞今歲禮真身七重鎖未開

金鑰五色光先入紫宸丹鳳樓臺飄瑞雪岐陽草木亞香塵可憐優鉢羅花樹三十年來一度春

灞陵戰叟

劍光秋水髣梳霜迴首胡天與恨長官竟不封右校尉鬪曾生袂左賢王尋班超傳空垂淚讀李陵書更斷腸今日灞陵陵畔見春風花霧共茫茫

遇道者

鶴骨松筋風貌殊不言名姓絕榮枯尋常藜杖九

衢裏莫是商山一皓無身帶烟霞游汗漫藥兼神鬼在葫蘆只應張果支公輩時相逢醉海隅

贈鍾陵陳處士

否極方生社稷才唯譚帝道鄙梯媒高吟千首精怪動長嘯一聲天地開湖上獨居多草木山前頻醉過風雷吾皇仄席求賢久莫待徵書兩度來

懷鄰叟

常思東溪鹿肩翁是非不解兩頰紅桔槔打水聲

嘎嘎紫芋白薤肥濛濛鷗鴨靜遊深竹裏兒孫多在好花中千門萬戶皆車馬誰愛如斯太古風

贈軒轅先生

曾親文景上金鑿語共容城語一般久向紅霞居不出若非清世見應難滿鑪藥熟分仙盡幾局碁終看海乾略問先生真甲子只言弟子是劉安

偶作因懷山中道侶

是是非非竟不真桃花流水送青春姓劉姓項今

何在爭利爭名愁殺人必竟輸他常寂寞只應贏得苦沈淪深雲道者相思否歸去來兮湘水濱

送新羅人及第歸

捧桂香和紫禁烟遠鄉程徹巨鼇邊莫言掛席飛連夜見說無風即數年衣上日光真是火島旁魚骨大於船到鄉必遇來王使與作唐書寄一篇

送新羅衲僧

扶桑枝西真氣奇古人呼為師子兒六環金錫輕

擺撼萬仞雪嶠空，參差枕上已無鄉。國夢囊中猶
 擊石頭碑。南岳石頭大師劉多慙不便隨高步，正
 是清風無事時。

春晚桐江上閑望作

江上車聲落日催，紛紛擾擾起紅埃。更無人望青
 山立，空有帆衝夜色來。沙鳥似雲鐘外去，汀花如
 火雨中開。可憐瀟洒鴟夷子，散髮扁舟去不迴。

商山道者

五千言外得玄音，石屋寒栖隔雪林。多傍松風梳
 綠髮，只燒崖藥點黃金。澄潭龍氣來縈砌，月冷星
 精下聽琴。曾夢先生非此處，碧桃溪上紫烟深。
隔一作得

聞許棠及第因寄桂雍

時清道合出塵埃，清苦為詩不仗媒。今日桂枝平
 折得，幾年春色併將來。勢扶九萬風初極，名到三
 山花正開。更有平人居蠶屋，還應為作一聲雷。

灤江秋居作

無事相關性自攄庭前拾葉等閒書青山萬里竟
不足好竹數竿涼有餘近看老經皆澹泊欲歸少
室復何如面前小沼清如鏡終養琴高赤鯉魚

上縉雲段使君

清畏人知人盡知縉雲三載得宣尼活民刀尺雖
無象出世文章豈有師木氣芝香粘甕榼雲痕翠
點滿旌旗今朝暫到金臺上頗覺心如太古時

春末蘭溪道中作

山花零落紅與緋汀烟濛茸江水肥人擔犁鋤細
雨歇路入桑柘斜陽微時喜東州云寇去不知西
狩幾時歸清平時節何時是轉覺人心與道違

野居偶作

高淡清虛卽是家何須須占好烟霞無心於道道
自得有意向人人轉除風觸好花文錦落砌橫流
水玉琴斜但令如此還如此誰信前程未可涯

七言絕句

再遊東林寺作五首

臺殿參差聳瑞烟，桂花飄雪水潺潺。莫疑遠去無

消息，七萬餘年始半年。傳記盡云安遠持炭三車

彼天，一晝夜亦三十日，為一月，十二月為一年，壽四千歲。

又

桓玄舊輦殘雲濕，耶舍孤墳落照遲。昔桓玄入山

輦至今在有箇山僧倚松睡，恐人來取白猿兒。

又

玉像珠龕香陣橫，錦霞多傍石牆生。辟蛇行者今
何在，花■唯聞鳩鳥聲。

又

愛陶長官醉兀兀，送陸道士行遲遲。買酒過溪皆

破戒，斯何人斯師。如斯遠公高節食後不飲而將

不得又送客不以貴賤不過虎溪只在寺門前而送陸靜修道士過虎溪，數百步今寺門前，有道士

岡送道士至此止也。

又

白蒼菊花露滴滴紅蕊芻草香濛濛田地更無塵
一點是何人舍住其中

題蘭江言上人院一首時王諱先輩有詩二首題其院因和題之

一生只着一麻衣道業還欺習彥威手把新詩說

山夢石橋天柱雪霏霏

又

只是危吟坐翠層門前岐路自崩騰青雲名士時
相訪茶煑西峰瀑布冰

書石壁禪居屋壁

赤旃檀塔六七級白菡萏花三四枝禪客相逢祇
彈指此心能有幾人知

送人遊茅山

茅真舊宅基猶在藥竈苔深土尚殷君見道人憑
與問大還還字若為還

聽僧彈琴

家近吳王古戰城海風終日打樺聲今朝鄉思渾

堆積琴上聞師大懈行

蘇詩

與州大醫藥軍法

羊世齊子基前在來書若利士尚國古且數人

英天感深山

觀詩心泊詩美火城

亦我詩卷六十一題曰首書外三四本類卷外

禪月集卷二十二 絕句

海虞毛晉訂

禪月集卷二十二

七言律詩一十二首 七言絕句詩一十首

中秋十五夜月

噴雪噴霜滿碧虛王孫公子翫相呼從來天匠爲
輪足自是人心此夜餘靜入萬家危露滴清埋衆
象叫鴻孤坐來惟覺情無極何況三湘與五湖

鷺鷥有懷

前東陽王造使君
養一鷺鷥名瑤花

粉魄霜華爲爾枯鷺鷥相伴更堪圖愛來沙島遺

銀屋終作金籠養雪鷄栖宿必多清瀨夢品流還
次白猿徒今朝不覺頻迴首曾伴瑤花近玉壺

東陽罹亂後懷王使君五首

昨來祇對漢諸侯勝事消磨不自由裂地鼓鼙軍

急連天烽火陣雲秋吹毛淬劍雖無數歎血為

盟不到頭誰為今朝奉明主使君司戶在隋州時黃

巢奔許公點士勇救萬禦押于歃血連西而渠魁詐降都將連城為盟違約遂於戍地當不與舊獨睦杭守同貶中也

又

只報精兵過大河東西南北殺人多可憐白日渾

如此來似蝗蟲爭奈何天意豈應容版亂人心都

改太凋訛不勝惆悵還惆悵一曲東風月袴歌

又

為郡無如王使君一家清冷似雲根貨財不入崔

洪口俎豆嘗聞夫子言鬚髮坐成三載雪黎民空

負一天恩不堪西望西風起縱火崑崙誰為論

又
魄懾魂飛骨亦銷此魄此魄亦難招黃金白玉家
家盡繡闈雕甍處處燒驚動乾坤常黯慘深藏山
岳亦輕搖恭聞國有英雄將擬把何心答聖朝
不是龔黃覆育才卽須清苦遠塵埃無人與奏
皇去致亂唯因酷吏來剝剝生靈爲事業巧通豪
譖作梯媒令人轉憶王夫子一片真風去不迴

秋夜懷嵩少因寄洛中舊知

鑪焚旃檀不稱貧霏霏玉露濕禪巾紫金地上三
更月紅藕香中一病身少室少年偏入夢多時多
事去無因如今憔悴頭成雪空想嵯峨羨故人
避地毗陵寒君上孫徽使君兼寄東陽王使

君三首

一到毗陵心更勞冷冷閑步擁雲袍豈緣思妙塵
埃少自是風清物態高野色疎黃連楚甸故山奇

碧隔河橋終須愚谷中安致不是人間好羽毛

又

常憶雙溪八詠前講詩論道接清賢文欺白鳳真
難及藥然紅蕖豈偶然花濕瑞烟粘玉磬簾垂幽
鳥啄苔錢自怜不是悠悠者吟嚼真風二十年

又

雷車雨滴階聲寂寒焚香獨閉扃錦繡文章無
路達袴襦歌詠隔牆聽松聲冷浸茶軒碧苔點狂

吞衲線青唯有孤高江太守不忘病客在禪靈

秋末寄上桐江馮使君

山東山色勝諸山謝守清高不可攀薄俗盡于言
下泰苦心唯到醉中間香凝錦帳抄書後月轉棠
陰送客還野客沾恩歸未得蕭蕭霜葉滿柴關

七言絕句

禪師

擊鼓求亡益是非木中生火更何為吾師別是醜

酬味不是知心人不知

道士

花島相逢滿袖雲藉花論道過金巾騰騰又入仙
山去只恐是青城丈人

風琴

至境心為造化功一枝青竹四絃風寥寥雙耳更
深後如在緱山明月中

庭橘

蟻踏金苞四五株洞庭山上味何殊不緣松樹稱
君子肯便甘人喚木奴

落花

蝶醉蜂癡一簇香繡葩紅帶墮殘芳因嗟姪德人
難得公子王孫盡斷腸

孤雲

將比鷺鷥還恐屈始思殘雪不如多清風相引去
更遠皎潔孤高奈爾何

苦吟
河薄星疎雪月孤松枝清氣入肌膚因知好句勝
金玉心極神勞特地無

古戰處

鬼氣蒼黃棘葉紅昔時人血此時風相恰極目無
疆地曾落將軍一陣中

偶然作

蟬聲引出石中蛩寂寞門前葉數重誰道思山心

不切等閒畫出兩三峰

招友人宿

銀地無塵金菊開紫梨紅棗墮蒹葭一泓秋水一
輪月今夜故人來不來

